

Канон покаянный ко Господу Иисусу Христу

Припев: Помилуй мя, Бóже, помилуй мя.

Глас 6.

Песнь 1.

Ирмос: *Яко по сýху пешешествовав Изра́иль, по бэздне стопáми, гонителя фараона видя потопляема, Бóгу побéдную пéснь поим, вопияше.*

Ны́не приступих аз грешный и обремененный к Тебе, Владыце и Бóгу моему; не смею же взирати на небо, токмо молюся, глаголя: даждь ми, Гóсподи, ум, да плачуся дел моих горько.

О, горе мне грешному! Паче всех человек окаянен есмь, покаяния несть во мне; даждь ми, Гóсподи, слезы, да плачуся дел моих горько.

Сла́ва: Безумне, окаянне челове́че, в лености время губиши; помысли житие твоё, и обрати́ся ко Гóсподу Бóгу, и плачися о делех твоих горько.

И ны́не: Мати Бóжия Пречистая, возри на мя грешнаго, и от сети диаволи избави мя, и на путь покаяния настави мя, да плачуся дел моих горько.

Песнь 3.

Ирмос: *Несть свят, якоже Ты́, Гóсподи Бóже мой, вознесый рог верных Твоих, Бла́же, и утвердивый нас на камени исповедания Твоего́.*

Внегда поставлени будут престолы на судищи страшнем, тогда всех человек дела обличатся; горе тамо будет грешным, в муку отсылаемым; и то ведущи, душе моя, покайся от злых дел твоих.

Праведницы возрадуются, а грешнии восплачутся, тогда никтоже возможет помощи нам, но дела наша осудят нас, темже прежде конца покайся от злых дел твоих.

Сла́ва: Увы мне великогрешному, иже дела и мыслями осквернився, ни капли слез имею от жестосердия; ны́не возникни от земли, душе моя, и покайся от злых дел твоих.

И ны́не: Се, взывает, Госпоже, Сын Твой, и поучает нас на доброе, аз же грешный добра́ всегда бегая; но Ты́, Милостивая, помилуй мя, да покаюся от злых моих дел.

Седален, глас 6-й.

Помышляю день страшный и плачуся деяний моих лукавых: како отвещаю Безсмертному Царю, или коим дерзновением воззрю на Судию, блудный аз?

Благодѣтельный Отче, Сыне Единородный и Душе Святыи, помилуй мя.

Слава и ныне: Богородичен

Связан многими ныне пленицами грехов и содержим лютыми страстьми и бедами, к Тебе прибегаю, моему спасению, и вопию: помози ми, Дево, Мати Божия.

Песнь 4.

Ирмос: *Христос моя сила, Бог и Господь, честная Церковь боголепно поет, взываючи от смысла чиста, о Господе празднуючи.*

Широк путь zde и угонный сласти творити, но горько будет в последний день, егда душа от тела разлучатися будет: блюдиися от сих, человеце, Царствия ради Божия.

Почто убогаго обидиши, мзду наемнику удержуеши, брата твоего не любиши, блуд и гордость гониши? Остави убо сия, душе моя, и покайся Царствия ради Божия.

Слава: О, безумный человеце, доколе углебаеши, яко пчела, собираючи богатство твое? Вскоре бо погибнет, яко прах и пепел: но более взыщи Царствия Божия.

И ныне: Госпоже Богородице, помилуй мя грешнаго, и в добродетели укрепи, и соблюди мя, да наглая смерть не похитит мя неготоваго, и доведи мя, Дево, Царствия Божия.

Песнь 5.

Ирмос: *Божиим светом Твоим, Блаже, утренюющих Ти души любовью озари, молюся, Тя веди, Слове Божий, истиннаго Бога, от мрака греховнаго взывающа.*

Воспомяни, окаянный человеце, како лжам, клеветам, разбою, немощем, лютым зверем, грехов ради порабощен еси; душе моя грешная, того ли восхотела еси?

Трепещут ми уди, всеми бо сотвори хвину: очима взираяй, ушима слышай, языком злая глаголяй, всего себе геенне предай; душе моя грешная, сего ли восхотела еси?

Слава: Блудника и разбойника кающася приял еси, Спасе, аз же един леностию греховною отягчихся и злым делом поработихся, душе моя грешная, сего ли восхотела еси?

И ныне: 23.35.16 Дивная и скорая помощнице всем человеком, Мати Божия, помози мне недостойному, душе бо моя грешная того восхотé.

Пéснь 6.

Ирмós: *Житéйское мóре, воздвизáемое зря напáстей бурею, к тíхому пристáнищу Твоему притéк, вопию́ Ти: возведи́ от тли́ живóт мой, Многомíлостиве.*

Житиé на землi блúдно пожiх и дúшу во тьмú предáх, ныне úбо молю́ Тя, Мiлостивый Влады́ко: свободи́ мя от рабóты сея́ вра́жия, и да́ждь ми́ рáзум творíти волю́ Твою́.

Кто творит таковáя, я́коже аз? Я́коже бо свини́я лежит в калу́, та́ко и аз греху́ служу́. Но Ты́, Гóсподи, истóргни мя́ от гнýса сегó и да́ждь ми́ сéрдце творíти за́поведи Твоя́.

Слáва: Воспряни́, окаянный челове́че, к Бóгу, воспомина́в своя́ согрешéния, припада́я ко Творцу́, слезя́ и стенья́; Тóй же, я́ко милосéрд, да́ст ти́ ум знáти волю́ Свою́.

И ныне: Богорóдице Дéво, от видимаго и невидимаго злá сохрани́ мя, Пречíстая, и прими́ моли́твы моя́, и донеси́ я́ Сýну Твоему́, да да́ст ми́ ум творíти волю́ Егó.

Конда́к.

Душе́ моя́, почтó грехáми богатéеши, почтó волю́ диáволю творíши, в чесóм наде́жду полага́еши? Престáни от сiх и обрати́ся к Бóгу с пла́чем, зову́щи: милосéрде Гóсподи, помíлуй мя́ грéшнаго.

И́кос.

Помы́сли, душе́ моя́, го́рький ча́с смéрти и стра́шный сýд Творца́ твоегó и Бóга: А́нгели бо грóзнии по́ймут тя́, душе́, и в вéчный óгнь введу́т: úбо прéжде смéрти пока́йся, вопию́щи: Гóсподи, помíлуй мя́ грéшнаго.

Пéснь 7.

Ирмós: *Росода́тельну́ úбо пéщь соде́ла А́нгел преподо́бным отро́ком, халде́и же опаля́ющее велéние Бóжие, мучи́теля увещá вопiти: благословéн еси́, Бóже отéц нáших.*

Не наде́йся, душе́ моя́, на тлénное богáтство и на непра́ведное собрáние, вся́ бо сия́ не вéси кому́ оста́виши, но возопи́й: помíлуй мя́, Христé Бóже, недостóйнаго.

23:35:16
Не уповай, душе моя, на телесное здравие и на скоромимоходящую красоту, видиши бо, яко сильнии и младии умирают; но возопий: помилуй мя, Христе Боже, недостойнаго.

Слава: Воспомяни, душе моя, вечное житие, Царство Небесное, уготованное святым, и тьму кромешную и гнев Божий злым, и возопий: помилуй мя, Христе Боже, недостойнаго.

И ныне: Припади, душе моя, к Божией Матери и помолися Той, есть бо скорая помощница кающимся, умолит Сына Христа Бога, и помилует мя недостойнаго.

Песнь 8.

Ирмос: *Из пламене преподобным росу источил еси и праведнаго жертву водою попалил еси: вся бо твориши, Христе, токмо еже хотети. Тя превозносим во вся веки.*

Како не имам плакаться, егда помышляю смерть, видех бо во гробе лежаща брата моего, безславна и безобразна? Что убо чаю, и на что надеюся? Токмо даждь ми, Господи, прежде конца покаяние. (Дважды)

Слава: Верую, яко приидеши судити живых и мертвых, и вси во своем чину станут, старии и младии, владыки и князи, девы и священницы; где обрящуся аз? Сего ради вопию: даждь ми, Господи, прежде конца покаяние.

И ныне: Пречистая Богородице, прими недостойную молитву мою и сохрани мя от наглыя смерти, и даруй ми прежде конца покаяние.

Песнь 9.

Ирмос: *Бога человеком невозможно видети, на Негоже не смеют чини Ангельстии взирати; Тобою же, Всечистая, явися человеком Слово Воплощенно, Егоже величающе, с небесными вои Тя уболажаем.*

Ныне к вам прибегаю, Ангели, Архангели и вся небесныя силы, у Престола Божия стоящии, молитесь ко Творцу своему, да избавит душу мою от муки вечныя.

Ныне плачуся к вам, святии патриарси, царие и пророцы, апостоли и святителие и вси избранныи Христовы: помозите ми на суде, да спасет душу мою от силы вражия.

Слава: Ныне к вам воздежу рuce, святии мученицы, пустынницы, девственницы, праведницы и вси святии, молящиися ко Господу за весь мир, да помилует мя в час смерти моея.

И ныне: Мати Божия, помози ми, на Тя сильно надеющемуся, умоли Сына Своего, да поставит мя недостойнаго одесную Себе, егда сядет судьей живых и

Моли́тва.

Влады́ко Христе́ Бо́же, И́же страстьми́ Своими́ стра́сти моя́ исцели́вый и язвами́ Своими́ я́звы моя́ уврачевáвый, да́руй мнѣ, мно́го Тебе́ прегрешíвшему, слѣзы умилѣния; сраствори́ моему́ тѣлу от обоня́ния Животворя́щаго Тѣла Твоего́, и наслади́ ду́шу мою́ Твоею́ Честно́ю Кро́вию от го́рести, ёуже мя́ сопроти́вник напои́; возвы́си мой́ ум к Тебе́, до́лу пони́кший, и возведи́ от про́пасти поги́бели: я́ко не има́м пока́яния, не има́м умилѣния, не има́м слѣзы утѣшительныя, возводя́щая ча́да ко своему́ наслѣдию. Омрачи́хся умомъ в житѣ́йскихъ страстѣхъ, не могу́ воззрѣти к Тебе́ в болѣзни, не могу́ согрѣтиса слезáми, я́же к Тебе́ любвѣ. Но, Влады́ко Го́споди Иисúсе Христе́, сокрови́ще благихъ, да́руй мнѣ пока́яние всецѣ́лое и се́рдце люботру́дное во взыскáние Твое́, да́руй мнѣ благода́ть Твою́ и обнови́ во мнѣ зра́ки Твоего́ о́браза. Оста́вих Тя, не оста́ви мене́; изы́ди на взыскáние моё, возведи́ к páжити Твое́й и сопроти́чти мя́ овца́м избрáннаго Твоего́ ста́да, воспита́й мя́ с ними́ от зла́ка Божѣ́ственныхъ Твои́х Та́инств, моли́твами Пречи́стыя Твоея́ Ма́тере и всѣ́х святы́х Твои́х. Ами́нь.